

# ادبیات عمومی و سیمپوزیومی

هفته‌لق سیاسی ، ادبی و علمی غزته‌در .

جلد : ۱

سنه : ۱ ۲۴ ربیع‌الآخر ۱۳۳۵ جمعه ایرتسی ۴ شباط ۱۳۳۲ نومرو ۱۶

## فاتح عصرنده اندرون هایون تشکیلاتی

جنتمکان فاتح سلطان محمد خان حضرتلری قسطنطینیہ فتح جلیلی موفقیتنی استحصال ایتدکن بر مدت صکره ، ذات شاهانه‌لرینه و پادشاهان عظام حضراتنه مقر سلطنت اولق اوزره آیاصوفیه ایله سرای برونی آره‌سنده قره جهتی عظیم سور ایله احاطه ایدیله‌رک وجوده کتوریلان بی نظیر ساحه دلکشاده انشا ایتدیردکلری یکی سرایک برقمسی ، حریم سلطنت یعنی موقع تعظیم و حرمت اولدینی ایچون اندرون — حرم نام محترمی ایله یاد اولمشدر .

اندرونه مدخل ، سرای ملوکانه‌نک، باب هایون و باب السلام و باب السعاده ناملریله یاد ایدیلان سلطنت قاپولرینک اوچنجیسی بولنان باب السعاده‌در . بو قاپو داخلنده پادشاهلر حضراتنک آراملرینه مخصوص عالی قصرلر ، اندرونلیرک اسکانه مخصوص معتنا دائره‌لر ، کتبخانه‌لر ، جامعشریفلر ، تعلیمخانه‌لر ، مشقخانه‌لر انشا ایدلمشدر .

اندرون خدمات عاصمه‌سنده بولنانلرک رکن اولی و آمری سرای داخل و خارجنده خدمت کورن سرای خلقنکده مرجعی اولان باب السعاده اغاسی « قاپو اغاسی » ایدی . قاپو اغاسی وظائف مهمه و معتناسنه سلطنت نکهبانلغی‌ده داخل اولدیغندن آغا ، سفرده و حضرده و جامع شریفه عزیمت و عودتده معیت شاهانه‌دن دور اولز ، یالکز صیدوشکار و تفریح زمانلرنده حفظ وصیانت وظیفه‌سیله مکلف اولق اوزره سرایده قالدور ایدی . اندرونده برداثرده اقامت ایتک امتیازی قاپو اغالرینه منحصر ایدی .


اندرون ارکانی قاپو اغاسنک امرلرینی مطاوعت کامله ایله تلقی ایدرک اجرا ایتسی قانون ایجابی ایدی .

بیوک اوطه‌یه منسوب اندرونلیردن اناختاره ، پشکیره و شربته متعلق و بوکا مماثل خدماتی ایفا ایتک اوزره معیتنده درت ایچ اغاسی استخدام ایدر ایدی .

بو حق استخدام ، وظائفی آتیده کوستریله‌جک دیگر اوچ سرای ارکانه‌ده بخش اولمش ایدی ؛ خزینه‌دار باشی خزینه قغوشندن ، کیلارجی باشی کیلاردن ، سرای اغاسی بیوک اوطه‌لیلر قغوشندن خدمتکار آلور ایدی .

بانقه یه ، همان هر کون ، تمش سکسان بیک لیرالق حصه سندی اشتراسی طلبی کلیور. بوکیدیشه ، شباطک اورتله رینه قدر ، بتون سرمایه ، یعنی دوت ملیون عثمانلی لیراسی کاملاً قید ونصفی تأدییه ایدلش اوله جقدر . آندن صکره اشتراک معامله سی ایچون کیشه لر قاپانه جغندن قارئلرک برآز استعجال کوسترمه لرینی توصیه ورجا ایدرز .

## رُوت صیب اللہ



[ ۲۶ کانون ثانی — اشباط ۱۳۲۲ ]

عموم حرب جبهه لرینک منظره سی وشکل امتدادی بو هفته ده هیچ ده کیشمه دی . همان بوتون آوروپا جبهه لرنده ، اوافق تفک تعرضلر ومصادمه لر استشنا ایدیلیرسه ، یکی برشی یوق . قیش هر طرفه شدتله حکمفرما . سپر محارباتنک شدتی یوق . یالکز ایکی طرف مساعد فرصتله بولدیجه ظوب ، طورپیل ، بومبا محارباتی اجرا ایدیورلر .

بو هفته غرب جبهه سنده انکلیرلرک آرمانتیه ر ، لایسه قانالی ، آنقر طرفلرنده شدتلی طوپچی استحضاراتدن صوکره یاپدقلمی اهمیتلیجه تعرضلر عقیم قالدی . بوجبه نک دکزدن ( ووژ ) لره قدر امتداد ایدن سپرلرنده بلا استشنا برمتقابل فعالیت واز .

ایتالیان صحنه سنده ده ، غرب جبهه سی کبی اوافق تفک محاربات بردوام . یالکز بو هفته آوستریالیلر غوریچ طاغلرنده متعدد ایتالیان سپرلرینی ضبط ایله بیکه قریب اسیر آلدیلر .

ماکدونیا صحنه سنده سکون مطلق یوق . طرفین اوافق تفک تشبثات حربیه ده بولونیورلر . شرق صحنه حربنده ده یکی برشی یوق . قار فیرتینالری مساعده ایتدیجه طوپچی فعالیتلری وکشف تعرضلری وار . یالکز رومن جبهه سنده ( واله پوتنا ) یولنک جنوبنده متفکریمز روسلرک قوتلی براستناد نقطه سنی بالهجوم ضبط ایتدیلر و بیک کسور اسیر آلدیلر . رومن جبهه سنک سکونی ایچنده بو برحادثه در . فقط ظنمزجه منفرد وما بعدسز برحادثه در .

بو هفته ینه اک زیاده فعالیت حربیه عثمانلی جبهه لرنده کورلدی . موسمک حرکاته مساعد اولماسندن بالاستفاده انکلیرلر عراق جبهه سنده ، یاز موسمنده حاضرلادقلمی بوتون قوتلریله هجوم ایدیورلر . کانون اول بدایتندن بری امتداد ایتدیکی حرب مطبوعات قرارگاهندن اولکی کون غزته لره ویریلن برخلاصه ده بیله یریلن عراق محارباتی عسکرلرمنک قدرت تدافیه سی قارشیسنده دشمن ایچون برنمره ویرمه مکده در . انکلیرلر کوة الاماره نک شرقنده امام شمد منطقه سنده ودجله نهرینک سول ساحلنده وفلاحیه ده بعض برلرده ضایعات عظیمه ایلریله مکه موفق اولمشه ده اسراف ایتدیکی انسانه ومهماته رغماً بو حقیر نتیجه هیچ برشی دیمک دکلدن قیمت سوق الجیشیه دن عاریدره .

انکلیزر، بوتون یا ظرفندہ حاضر لادقلمی قوتلری ایلک آغزده اسراف ایدہ رەك برشی یا پامادقندن  
صوکره آرتق اساسلی برشیته موقق اولایلمه لری مستبهددر .  
دیگر عثمانلی جبهه لرندہ اوافق تفك حرکاتدن باشقه برشی یوقدر .

کچن نسخه مزده، ائتلافچیلره قارشلی آلمانیا و آوستریا-مجارستان طرفندن اعلان ایدیلن تحت البحر  
آبلوقه سندن و آمریقانک آلمانیا ایله قطع مناسبات ایتدیکندن بحث ایدرکن دیمشک که «آمریقانک  
حربه کیتمه یه جکنی، یالکز بر پروتستو مقامنده اولان بو قطع مناسبتله اکتفا ایدہ جکنی قویاً  
ظن ایله یورز . آمریقانک حربه کیرمه سنه بزچوق موانع واردر . و آمریقانک منافع حیاتیه سی ده  
موضوع بحث دکدر .»

حقیقه آمریقانک وضعیتی خیلی توضح ایتدی . انکلیز تلغراف آژانسلرینک، ایلک کونلرده  
آمریقایی پک حربجو کبی کوسترمه لرینه رغماً کون کچدکجه آلمان خبرلردن آکلاشیلدی که آمریقا  
اوله خفت و سرعتله حربه سوروکله نمک نیتندہ دکدر . حتی آمریقا لیمانلرتندہ موجود میلیارلر  
قیمتندہ کی سفاشن تجاریه بیله آمریقا طرفندن ضبط ایدلمه مشدر و ایدلک ده متصور دکدر . هر نه قدر  
ایلک آندہ، آمریقایلرک انه کچمه سین دیه، بو واپورلرک آلمان مرتبائی تکمیل ماکنه لری  
تخریب ایتدیلمه ده آمریقا حکومتک بونلره سس چیقارمادینی و حتی آلمان طائفه لرینک واپورلرینی  
ایسته دکلری کبی استعمالده و ایجابنده بونلری غیرقابل استفاده برحاله قوعقدہ مختار بولوندقلمی فکرندہ  
اولدینی آکلاشیلدی . یالکز آمریقا بو واپورلرک کندی لیمانلری داخندہ سربستی سیر سفاشنی  
خللدار ایدہ جک صورتندہ باتیرلامه سنه دقت ایدہ جکدر .

الحاصل رئیس جمهور موسیو ویلسون آوستریا ایله قطع مناسبات ایتدکدن باشقا آلمانیا یه  
قارشلی ده ایلک حرکتی چوق خفیلتدی . شیمدیکی حالده انتظار ایتکده در . احتمال که بو کالک مهم  
سببده دیگر بیطرفلرک آمریقایی تعقیب ایتمه لریدر . فی الحقیقه، رئیس ویلسون تحت البحر  
آبلوقه سنه قارشلی حرکت ایچون بر نوطه ایله دیگر بیطرف حکومتلری ده دعوت ایتشدی . حالبوکه  
بو کوچوک حکومتلرک هپسی، آوروپاده کی وضعیتلرینک آمریقانک اوزاقده کی وضعیتنه مقیس  
اولمادینی کماکان شدیداً بیطرف قاله جقلمی آز چوق بارد بر لسانله آمریقایه بیله یردیله .

شیمدیکی حالده آلمان - آمریقا اختلافی ائتلافچیلرک بکله دکلمی حاصل ایتدی . فقط وضعیت  
بوله قالیری؟ بو قطعاً کسدر یله من . چونکه هر نه قدر آمریقا حکومتک حربجولق ایتمه یه جکی  
بعض خبرلردن آکلاشیلورسه ده بعض آمریقا واپورلرینک آلمانلر طرفندن تعیین و اعلان ایدیلن  
هیچ بر علامتی حائز اولمایه رق، آبلوقه مناطق ممنوعه سنه متوجهاً حرکت ایتدکلمی کلن  
تلغرافنامه لرده اوقویورز . بونلر آلمانلر طرفندن بالطبع، آبلوقه خطنی کچمش عدیله، غرق  
ایدیله جکدر . اوندن صکره نه اولاجقدر؟ باخصوص آلمانلرک بیطرف واپورلره تعیین ایتدکلمی  
مهلتلر ۱۲ - ۱۳ شباط کیجه سی منقضی اولمشدر . بو کونه قدر کونده ۱۵ - ۲۰ واپور غرق  
ایدلکده ایدی . شیمدی بو عددک یوکسه له سنه انتظار ایتله یز . آمریقان واپورلری غرق ایدیلرسه  
نه لر تحث ایدہ بیله جکنی و یا ایدہ مه یه جکنی یاقینده کورورز . شو قدر که آمریقانک بعض استحضارات  
حربیه سنه رغماً احوال کچن هفته دن دهاسکون بمشدر .